

რედაქციის ბინა: რუსთავე. პროსპ. 26.
ქარ. ბეჟედ. ამხანაგობა.
ფასი უზრუნავლის თითო ნომრისა 10 მ.

პერიოდული საზოგადოებრივი სამეცნიერო და სალიტერატურო ჟურნალი.

ჟურნალში უახლოეს თანამშრომლობას გასწევენ: პროფ. მიხ. წერეთელი, პროფ. ს. ავალიანი, გ. ჯავახიშვილი, გრ. დიასამიძე, ალ. წერეთელი და სხვ.

რედაქციისაგან:

ჟურნალი „ნათესავალი“ ჩვენის განსწავლეთ უნდა გამოსულიყო მაისის 10-ს. ამიტომ ამ ნომერში მიდის მასლა იმ დროისთვის დამზადებული.

ჩვენი ჟურნალი.

ჩვენი დრო—მსოფლიო ომის და რევოლიუციის დროა. უმაგალითოა ეს ხანა მსოფლიოს ცხოვრებაში და უმაგალითოა ის შედეგები, რომელიც მოსდევს ამ უდიდეს გადატრიალებათ, ჩვენი თვალის წინ რომ ხდება.

ინგრევა და ნიავედბა ძველი სისტემები ხალხთა პოლიტიკური და ეკონომიური ყოფა-ცხოვრებისა, ირდევვა ერთა დამოკიდებულებანი და ძველი შეგეცნებანი საზოგადოებრივი ცხოვრებისა.

ის თეორიები, რომელიც დღემდის შეუქმნია მეციერებას უმთავრესად სოციალურ და ეკონომიურ საკითხების გადასაწყვეტად, ყველა დაყენებულია დიდი კითხვითი ნიშნის ქვეშ და ჩვენი დრო გადაჭრის მოთხოვნის მათ გადასინჯვას, მათ გადაფასებას, რადგან თანამედროვე რევოლიუციამ არა მარტო ჩვენი ში, არამედ ევროპის უდიდეს ქვეყნებშიც სცადა პრაქტიკულად განხორციელება იმ იდეალებისა, რომელიც დასახული ჰქონდა ამ თეორიებს ხალხთა ცხოვრების სიამართლის და თანასწორობის ნიადაგზე მოსაწყობად.

ნათქვამია: „ოქროს სიწმინდეს სინჯავენ ქეთთაო“ და, ამის მიხედვით, თეორიების ცხოველმყოფელობა ირკვევა მაშინ, როდესაც სწარმოებს ცდა მათი პრაქტიკულად განხორციელებისა.

დღეს კი აშკარა შეიქმნა, რომ ძველი ცხოვრების გარდაქმნა ახალ საფუძველზე, სრული განხორციელება თავისუფლებისა და თანასწორობისა ამ ქვეყნად არც ისე ადვილი ყოფილა, როგორც ეს პირველი შეხედვით ეჩვენებოდა მათ, რომელიც აღი-

ზარდენ უკანასკნელი დროის სოციალ-ეკონომიურ თეორიებზე.

ეს მოვლენა არ არის მოულოდნელი, არ არის უჩვეულო. კაცობრიობის ისტორიის მთელ სიგრძეზე სწარმოებს დაუცხრომელი ბრძოლა ბატონობისათვის და ბატონობის წინააღმდეგ, რომელსაც საფუძველად უდევს უკედავი, მარადიული იდეალი; ალდგენა დარღვეული ექვილიბრიუმისა, დაბრუნება დაკარკული თავისუფლების და თანასწორობისა, ადამიანის პიროვნების სრული განთავისუფლებისა, რომლის მიღწევას კაცობრიობა აქამდის ვერ ღირსებია.

ადამის ტომის საუკეთესო შვილი, ჩაგრულია უფლებისათვის მებრძოლი, ამ იდეალისათვის თავდადებულნი, სხვა და სხვა საშუალებით ცდილობდნენ მათ განხორციელებას. მაგრამ დღემდის მათ ცდას სრული გამარჯვება არ მოჰყოლია და კაცობრიობა კვლავ ბოროტი სულის კლანქებში იტანჯება. მართალია, მათ ბრძოლას სულ უნაყოფოდ არ ჩაუვლია, მართალია თანდათან თითქოს გაუმჯობესდა რამოდენიმედი ხალხის მდგომარეობა, მაგრამ ყველა გრძობს, რომ აღთქმის ქვეყანამდის ვერ კიდევ ძალიან შორის არის და ისტორიულ ბოროტების დასათრგუნავად ჯერ კიდევ ბევრი დრო, სისხლი და ცრემლი იქნება საჭირო.

არავისთვის საიდუმლო არ არის ის გარემოება, რომ ჩვენი დროის უდიდესმა გადატრიალებამ, და იმ ცდამ, რომელიც მოახდინა თანამედროვე უდიდესმა რევოლიუციამ ქვეყნად თანასწორობის დამყარებისათვის, ჩვენი მოლოდინი და იმედი არ გაამართლა და ის თეორიები, რომლითაც ხელმძღვანელობდნენ რევოლიუციის მესვეურნი და რევოლიუციონური დემოკრატია, მაინც და მაინც არ გამოადგა ბაჯალლო ოქროს, უებარი საშუალება.

ამ გარემოებამ სრულიად საფუძველიანად გული გაუტეხა არა მარტო მშობლებს, ხალხს, რომელიც

8061



ცის მანანასავით ელოდა ამ დროს. არამედ მოწინავე ინტელიგენციასაც, რომელიც დაჩქარებულადაა, რომ მის მიერ ნახპარის ხერხი სამარადისო იდეალების განსახორციელებლად მაინც და მაინც ვერ გამოადგა მკვეთრი და უებარი.

და რა გასაკვირია, თუ ასეთ პირობებში ჩვეულებრივ მოვლენად გადაიქცა გულგატეხილობა, გულგრილობა და უიმედობა, ხოლო ხალხი, ფართე მასსა კი მიუბრუნდა ძველ ღმერთს, ზეციერ მამას და ლოცულობს გულმოადგილებით, რომ მოინანიოს ცოდვები და, თუ ამ ქვეყნიურ სამოთხეს ვერ ეღირსა, საიქიო მაინც არ დეკარგოს და სულიან-ხორციანად არ წარწყმდეს!

ეს უიმედობა, ეს გულგატეხილობა უდიდეს საფრთხეს წარმოადგენს მომავლის ძიებისათვის და ფართე ასპარეზს უშლის ბოროტებას იმ მანათობელი ვარსკვლავის დასაჩრდილავად, რომელიც მაინც ანათებს და იკაშკაშებს მუდამ, ვიდრე კაცობრიობის ჩამოღამებულ ცაზე არ ამობრწყინდება სანატრელი, მხურვალე მზე აღამიანის თავისუფლებისა და ბედნიერებისა!

და ის ნაწილი ჩვენს ხალხისა, რომელიც კლავინდებურის იმედით მისჩერებია „ბეთლემის ვარსკვლავს“ და მოელის დიდებულ განთიადს, გულს არ იტეხს და თუ უკვე ნაცადი იარაღი, ნაცადი გზა და თეორიები საესეებით უებარი არ აღმოჩნდა, ეს გარემოება მისთვის სასოწარკვეთილების მიზნად ვერ გახდება, იგი უფრო მეტის ენერგიით, უფრო მეტის თავდადებათ განაგრძობს მუშაობას და ეძიებს ახალ ხერხს, ახალ გზებს აღთქმის ქვეყნამდის მისაღწევად.

ეს ძიება, მუდმივი ძიება ახალ ღირებულებათა არის, რომ ასულდგმულებს პროგრესს და აფაქიზებს აღამიანის პიროვნებას, ურომლისდაც ცხოვრება დამყაყებულ ჰობს და სამხეტის დაემსგავსება და ის, ვინც ეძიებს ახალს, გვერდს ვერ აუხვევს ძველს, წარსულს, რადგან:

„აწმყო შობილი წარსულისაგან,
არის მშობელი მომავლისა“

და თუ უნდა ვისმეს მონახოს ახალი საშუალება, აღმოაჩინოს ახალი გზები, იგი იძულებულია გადასინჯოს ძველი გზები, ძველი უკვე ნაცადი თეორიები და მოახდინოს გადაფასება ყოფილ ღირებულებათა.

ეს მუშაობა აუცილებელია დღეს, ყოველად საჭიროა, რომ სასოწარკვეთილებას ხალხში ნიადაგი მოესპოს და მისი გონების თვალი კვლავ მანათობელ ვარსკვლავისაკენ მივაპყროთ.

და ჩვენი ჟურნალი და მის გარემო შემოკრებილი ჯგუფიც სწორედ ამ მუშაობას ისახავს მიზნად.

ახალი გზების, ახალ საშუალებათა, ახალ ღირებულებათა ძიებამ უნდა მოგვეცეს ახალი ნაკადი აზრებისა, რომელნიც შეიქმნებიან ჩვენთვის ხელმძღვანელად მომავლისათვის ბრძოლაში. ერთგვარად ეს ცდა ფევე მოახდინა ჩვენმა ჯგუფმა გაზ. „ახალი ნაკადის“ ფურცლებზე, მაგრამ ჩვენ გესურს, რომ ის ვიწრო ფარგლები, რომელშიაც აყენებდა დანტერესებულ პირთ ამ გაზეთის დანიშნულება, შეძლებისამებრ გაფართოვოთ და გასავალი მივსცეთ ყოველ ახალ აზრს და ძიებას, რომელიც ემსახურება აღამიანის პიროვნების სრულ განთავისუფლებას და განვითარებას ქვეყნად მისი ბედნიერების დასამყარებლად.

ამ მიზნით, ამ უდიდესი, უკვდავი იდეალით გამსჭვალულნი. შევეცდებით, რომ ჩვენმა ჟურნალმა სათანადო სამსახური გაუწიოს კაცობრიობის საუკეთესო მისწრაფებით.

ჟურნალ „ახალი ნაკადის“ ფურცლები ღია იქნება ყველა იმათთვის, ვისი გულიც აღგზნებულია ამ დიადი ცეცხლით, ვისაც აღძვრის სურვილი თავისი წვლილი შეიტანოს ღირებულებათა გადაფასებაში, როგორც საზოგადოებრივ ცხოვრების საკითხებში, ისე მეცნიერებაში და ლიტერატურაში.

ის. დორელი.

ჩვეულებრივი და უჩვეულო

I

მსოფლიო ომის დროს ორი დიდი პრობლემის გადაწყვეტა სცადა ყოველმა ერმა, — დიდმა და პატარამ, — ეროვნულისა და სოციალურისა. მას შემდეგ, რაც ერები არსებობენ, მათ შორის ბრძოლა სწარმოებს და მათი შინაგანი ცხოვრების განვითარება სოციალურ საკითხებს აყენებს, ყოველთვის ის ორი პრობლემის ირგვლივ ტრიალებდა კაცობრიობის ისტორია. წარსულ საუკუნეში მათი გადაწყვეტის აუცილებლობა უმწვავესი იყო, ვიდრე უფრო შორეულ წარსულში, მაგრამ მსოფლიო ომმა პირდაპირ თავის მიზნად აქცია მათი საბოლოოდ გადაჭრა, ლოზუნგებად გადისრაღა კაცობრიობაში ეროვნული პრინციპი და დემოკრატიზმი.

ხოლო მსოფლიო ომის მიერ გამოწვეულმა რევოლუციებმა მიზნად დაისახეს დაენგრიათ თვით საფუძველი ძველის საზოგადოებრივობისა და შეექმნათ ახალი ცხოვრება. სოციალიზმი, რომელიც თეორიულად შემუშავებული იყო მთელის წარსულის საუკუნის აზროვნების მიერ, პრაქტიკულად სწაღიათ განახორციელონ იმ ქვეყანათა მუშათა კლასებს, სადაც ძველი რეჟიმი რევოლუციამ დასცა. მხოლოდ ცდანი აქვთ სხვადასხვა არჩეულნი: რუსეთის ბალშევიზმი ცდა სოციალიზმის განხორციელებისა მშრომელთა დიქტატურით, გერმანიისა — დემოკრატიზმის ხანის გავლით და მომზადებით. და კაცობრიობა შეიძლება მალე გახდეს მოწამე მსოფლიო რევოლუციისა, როგორც იგი წლის განმავლობაში იყო მოწამე მსოფლიო ომისა: ყოველი ერი, თანახმად თვისის ხა-

სიათისა, საკუთარს მეთოდებს გვაჩვენებს რევოლუციისას, ძველ ცხოვრების შეცვლისას. პროცესი იმ დიდი ცვლილებებისა, რომელიც 1914 წელს დაიწყო, ჯერ არ დამთავრებულა, არ ვიცით როდის დამთავრდება იგი, მაგრამ ერთი კი შექველია,—იგი ისე დამთავრდება, რომ ახალი ქვეყანა შეიქმნება, ახალ საფუძველზე აშენებული, ახალი სულითა და ახალ ღირებულებათა შექმნელი.

ერთი დიდი მოვლენის აღნიშვნა შეიძლება, როგორც მსოფლიო ომის ისე რევოლუციითა განმავლობაში და იგი გვაძლევს კიდევ იმედს მომავლისას, მიუხედავად მთელის იმ ცინიზმისა და შეხეობისა, რომლითაც ომი სწარმოვებდა და რევოლუციები ომს არ ჩამოუფარდებია: ეს არის უკვადება იდეისა, ღირებულებების სიბეჯითი, რომელსაც ვერავითარმა ბოროტმა, ვერავითარმა ცინიზმმა და შეხეობამ ვერ სძლია და ვერცა სძლევს.—წარსული ომი იყო ომი ინგლისსა და გერმანიას შორის, ერთი თვის მსოფლიო ბატონობას იცავდა მეორეს მებრძოლებსაგან, მეორეც პირველისაგან იცავდა თავს, რომ შეენარჩუნებინა თავისი ეკონომიური და ეროვნული ძალა, ქვეყნის ბატონობაში მასაც წილი ჰქონოდა; სხვა სახელმწიფოთაგან ზოგი ერთს მიეზნო,—ზოგი მეორეს იმავე ეგონისტურ მიზნით,—მაგრამ ლოზუნგები ომისა, „მიზანი ომისა“, როგორც მეომარი მხარეები ამბობდენ, იყვნენ: ბრძოლა იმპერიალიზმისა და მილიტარიზმის წინააღმდეგ, ერთა განთავისუფლება, დემოკრატიზმის განმტკიცება, სამართალი ნამდვილი საერთაშორისო, თავისუფლება და სხვ.—პირმოთენობა საშინელი, მაგრამ დამამტკიცებელი იმისი, რომ თვით პირმოთენობაც ვერ უარყოფს იმპერიალიზმისა და მილიტარიზმის ბოროტებას და თავისუფლებისა, სამართლისა და ერთა დამოუკიდებლობის ღირებულებას! დამარცხდა ის მხარე, რომელიც მოწინააღმდეგის აზრით იყო ბუდე იმპერიალიზმისა და მილიტარიზმისა, მაგრამ გამარჯვებულთა მხარეზედ, უარესი იმპერიალიზმი, მილიტარიზმი, ფლოტიზმი და სრული უარყოფა სამართლისა აშკარად წარმოუდგა კაკობრიობას თვალ წინ, და ის ცხადი და ყველასათვის ცნობილი ფაქტი, რომ იმპერიალიზმი და მილიტარიზმი მარტო ერთ ქვეყანას კი არ ახასიათებდა ომის წინ, არამედ ყველა დიდ სახელმწიფოს და ბევრ პატარასაც, დღეს აშკარაა გამარჯვებულ ერთათვისაც და მათ შორისაც იბადება აუცილებლობა მოისპოს ეს დიდი ბოროტება ადამიანთა საზოგადოების წილათა შინა აღმოცენებული, მოისპოს იგი, როგორც საზოგადო მოვლენა—ყველგან, როგორც ინგლისში, ისე საფრანგეთში, და ბელგიაში მსგავსად იმისა, როგორც გერმანიაში და რუსეთში ზარი დასცეს მას დამარცხებამა და რევოლუციამ.—ველსონის 14 პუნქტი სასატიკოდ აიგდო პარიზის კონფერენციამ, ხალხთა ღირსის მაგიერ ერთი ერის თვითმპყრობელობის განმტკიცება მოინდომეს ქვეყანაზე, ახალი საერთაშორისო სამართლის შექმნის მაგიერად სულ მოსპენ საერთაშორისო სამართალი, ეროვნების პრინციპის განხორციელების მაგიერად ის ერთი განათავისუფლეს, რომელითა თავისუფლება მხოლოდ გამარჯვებულთათვის იყო ხელსაყრელი, დასწავრეს ისინი, რომელთაც ივინი ან მტრულად უყურებდენ, ან და თვითანთ მიზნათათვის ვერ გამოიყენებდენ, და ესე ყოველივე თითქის სამართლისა და ეროვნების პრინციპის სახელით მოახდინეს! მაგრამ განჩინა მოწინააღმდეგე ძალა თვით გამარჯვებულთა შორის, რომელიც სამართლის აღ-

დენისათვის იბრძვის, ჩაგრულნი ერნი კვლავ იღებენ იარაღს თავისუფლებისათვის საბრძოლველად და თვით იდეა უკვდავი რჩება: სამართალი ყველასათვის, ეროვნულ პიროვნების დაცვა—ყველა ერის უფლება, ბრძოლა საერთაშორისო ბატონმობისა და ერთი ერის თვითმპყრობელობის წინააღმდეგ, როგორც მსოფლიო ბოროტების წინააღმდეგ! ეს იდეაც ვერ მოჰკლა პირმოთენობამ; კაცობრიობამ თითქოს სწორედ ამ იდეათათვის ჰღვარა სისხლი, მაგრამ ვინც ამ იდეებით ბოროტად ისარგებლეს სულ სხვა მიზანთა მიღწევისათვის მათ უნდა ჰქონდნენ დანაშაული საესებით, რომ ბოლოს და ბოლოს ის იდეალი გაიმარჯვებს, რომელიც კაცობრიობას ამდენი ტანჯვით შეუქმნია და საუკუნოებით იბრძვის მის განსახორციელებლად.—და თვით რევოლუციაც, რომელიც პირმოთენობით კი არა, არამედ გულწრფელად, გამოვიდა დიდ იდეათა განსახორციელებლად და დაამხო ძველი რეჟიმი, განა დღეს, განსაკუთრებით რუსეთში, ის არის, რაც დასაწყისში იყო? არა! დიქტატურა პროლეტარიატისა, რომელიც უდიდეს სიკეთედ და ბედნიერების მიმნიჭებლად მიჩნდა თვით მუშათა კლასს, ჯოჯოხეთურ მონობად გადაქცა მთელი ერისათვის და თვით პროლეტარიატისათვისაც; ერთა განთავისუფლება, რომელიც თვით დააწერეს ბოლშევიკებმა თავიანთ დროშაზე, მათგანვე ითარგუნება ცეცხლითა და მახვილით და ბოლშევიზმის სახით რუსის იმპერიალიზმი ევლინება კვლავ ძველის რუსეთის იმპერიის მონობიდან ძლიერ განთავისუფლებულ ერებს. იდეა სამართლისა, ერთა შორის მშობისა, თავისუფლებისა და სხვ. მოისპო ტერორისა და ძალადობის მახვილით. ძველი რეჟიმის ხალხი, ჰკვიანი იმპერიალისტები, ბოლშევიზმს მიემხრო, როგორც ძალას, ძველი ღიდის რუსეთის იმპერიის აღმშენებელს.. მაგრამ აქაც უკვდავი იდეა ძალად გამოდის იმ სულს წინააღმდეგ, რომელიც მას სიკვდილს უჭადის. იგი ამბობს: დიქტატურა, თუ გინდ პროლეტარიატისა, არ არის თავისუფლება. რაც მან ჰქმნა, შეიძლება აუცილებელი იყო, მაგრამ კმარა, ამოიწურა ყოველივე შესაძლებლობა სოციალურ გარდაქმნათა რუსეთში. მეტი დიქტატურა კი უარყოფაა თვით რევოლუციის მიერ მონაგებისა და დაბრუნება ძველ მონობისადმი, რევოლუციამ სხვა მიმართულება უნდა მიიღოს; უდიქტატურო ორგანიზაცია საზოგადოებისა, სამართალზედა და თავისუფლებებზედ დამყარებული სისტემა წარმოებისა და წაწარმოების განაწილებისა,—ყველგან, მთელს მსოფლიოში, ექმნება რა თვითოფულ ერს სრული უფლება და შესაძლებლობა თავისუფალ ეროვნულ ცხოვრებისა და მეზობელ ერებთან მშვიდობიან განწყობილებისა. და როგორის სიმძლიერითაც არ უნდა შევბრძოლოს რუსის ბოლშევიზმი ამ იდეას, თვით ევროპის სოციალურმა რევოლუციამაც რომ დიქტატურით მოინდომოს მისი ჩაკვლა, მაინც იტოვებლეს და ძალად გამოვა იგი ყოველთვის, განსაკუთრებით იმ ქვეყნებში, სადაც თავისუფალ სოციალიზმის პრინციპზე არის დამყარებული მუშათა ორგანიზაციები და აგრედევ იმ პატარა ერთა შორის, რომელთაც შინაგან სოციალურ პრობლემათა გარდა, თვით ეროვნულ არსებობის საკითხი უდგიათ წინ,—პატარა ერთ, რომელთაც დიქტატურული სოციალიზმიც ისე არ ინდობს, როგორც მათ ძველი იმპერიალიზმი არ ინდობდა! ამ უკვდავ იდეებსაც აქვსთ გადამწყვეტი მნიშვნელობა დიდ მოძრაობათა პრა-

ცესის დასასრულს. იგინი ფრთა-შეგვეცილად ხორციელდებიან ყოველთვის, რადგანაც მოწინააღმდეგე ძალაც დიდი და იგიც თავის ბეჭედს ასევეს ახალს შენობას საზოგადოებისას, მაგრამ ძველთან შედარებით ახალი ყოველთვის ოდნავ მაინც უკეთესია, უკვდავი იდეალები ოდნავ მაინც ყოველთვის ხორციელდებიან ერთა დიდი მოძრაობათა პროცესში. ეს ცოტა რამ არის ის, რასაც ჩვენ პროგრესს ვეძახით. ჩვენ იგი გვწამს და აქ არის წყარო ჩვენის იმედისა.

მ. წერეთელი



ზავი რუსეთთან.

უკანასკნელი ცნობების მიხედვით საქართველოსა და რუსეთს შორის ზავი იქნა დაწესებული. რუსეთის მთავრობამ აღიარა საქართველოს სრული დამოუკიდებლობა და მისი საზღვრები. ყველა რევოლუციონერი დიდი ხანია გულმტკივნეულად ელოდა ამ ზავს, რადგან რუსი საქართველოსა და დღევანდელ რუსეთს შორის მართლაც უდიდესად სამწუხარო და სამარცხვინო მოვლენა იქნებოდა. ვის რა უნდა ჰქონდეს საწინააღმდეგე საქართველოს დამოუკიდებლობისა, რომელიც აოსებითად ქართველი ხალხის ნება-ყოფლობის გამოხატულება! იქნებ დიდად სოციალისტურ ქვეყანას განერზაზხოს დასცეს „ქრტივოლიუციონური მთავრობა“ მეორე ქვეყნის და აქაც ააფრიალოს წითელი დროშა საერთაშორისო რევოლიუციისა. მაგრამ უპირველესად ყოვლისა საქეოა, მართლაც და სოციალისტურია ის ქვეყანა, სადაც თვით მუშათა კლასის უმრავლესობაც კი ყურმოჭრილი ქვეშევარდომია ახალი ბიუროკრატისა? წარმოვიდგინოთ, რომ იგი ნამდვილად არის ქეშმარიტი სოციალიზმის სამეფო, განა აქედან გამოიძინარაობს ის დასვენა; რომ მან მახვილითა და ცეცხლით უნდა გაავრცელოს ყველგან თავისი მოძღვრება ისე, როგორც მართლმორწმუნე მამადიანმა თავისი ყურანი? საფრანგეთის დიდმა რევოლუციამ გადალახა საზღვრები თავისი ქვეყნისა და ბევრს დამონებულ ქვეყანაში მიიტანა ნათელი თავისუფლებისა, მაგრამ მალე იქნა დაიწყებული ის პრინციპები, რომელიც დასაწყისში საფუძვლად ედგა მის აბოზოქრებულ ტალღებს. და იგი არსებითად განიმსჯავალა იმ დაპყრობითი პოლიტიკით, რომელიც დიდი ნაპოლეონის ცხოვრების სული და გული იყო. ამას თან მოჰყვა ძლიერი რეაქცია, რომელმაც განსაცდელში ჩაავლო დიდი რევოლუციის დიდი მონაპოვარნი.

ეს გზა დღეს არსებითად უარყოფილია ისტორიის მიერ. და ტყუილად ოცნებობდნენ მოსკოვის ბოლშევიკები ერთის დაკრით შექმნათ ფედალთა თავისი მეუფება. შეიძლება ჩამორჩენილი აზერბეიჯანი გაერგნულად წითელი სამოსით შეიმოსოს, მაგრამ ნუ თუ ყველასათვის ცხადი არ უნდა იყოს ასეთი ფერისცვალების ფასი და ღირებულება! არა, დღეს სულ სხვაა საქარო. თითოეულ ქვეყანაში გამოვხიზლებული, შეკავშირებული და რევოლუციურად გაწვრთნილი მუშათა კლასი არა ხიშტების გავლენით, არამედ თავისთავად მოსძებნას თავის თანამომძეთ სხვა ქვეყნებში, მონახავს მისთან საერთო ენას, შეკვმნის ერთ მთლიან ფრონტს და აღნათებს დიდ სოციალურ რევოლუციას საბოლოოდ „დასათურგვანთ ბროტისა“. ასეთი გზით მიმდინარეობს დღეს მუშათა

დარღვეული ერთობის გამოვლენა და ამას უნდა ემსახურებოდეს მუშათა კლასის ყველა ერთგული და მეგობარი. თანამედროვე უდიდესი რევოლუცია, რომელმაც ბუმბერაზი ომის მიერ წარმოშობილი ნგრევის წიაღში იჩინა თავი, ძლიერია არა ხიშტებით, არამედ თავისი უმაღლესი ლოზუნგებით, რომელთაც ვერ ჩაჰკლავს ვერავითარი ბოროტი ძალა. ამ ლოზუნგებითა და არა ჯავშნიანი მატარებლებით. რომ იგი მიუღს დედამიწაზე იწვევს ძლიერ მოძრაობათ და ამაზღებს საერთაშორისო რევოლიუციას.

დღეს ეს თითქოს შეიგნეს რევოლუციურ რუსეთის ხელმძღვანელებმა და სხვათა შორის საქართველოსთანაც ჩამოავდეს ორივე მხარისათვის ღირსეული ზავი. ეს მოვლენა გვახარებს და იმედს კლავს ფრთებს ასხამს, რომ რევოლუციის დასამარცხად სხვადასხვა ჯურის იმპერიალისტების მიერ ყოვლად შეუძლებელია, თუ რევოლუციის ცეცხლით აღვხნებულმა ქვეყნებმა ნათლად და გარკვეულად წარმოიდგინეს გეგმა და გზა თავისი. საერთო მიკვლევებისა და ბრძოლისა.

საქართველოს მშრომელი ხალხიც, რომელსაც ყოველ დღე არ დასჭირდება ფიჭი და ზრუნვა დიდ რევოლუციაში მოპოებულ ეროვნული თავისუფლების დაცვისა, უფრო გაამაგრებს თავის კლასობრივ პოზიციებს და მეტის ენერგიით ჩაებმება მუშათა საერთაშორისო მოძრაობაში. მეორეს მხრივ, თვით რუსეთის მშრომელი მას ნაცვლად იძულებით სხვა ქვეყნების წინააღმდეგ შეიარაღებული გამოსვლებისა, თავის კერას გაამაგრებს, კერას რევოლუციისას და უფრო მაგარ გრდემლზე გამოსქედს ძვირფასს სომავალს.

ბევრ დამფრთხალ და მოლოდინტილიგენტს უკვე ელანდება ზავი აჩრდილი რეაქციისა, მაგრამ სცდებიან, შავს ღრუბლებში მაინც ნათლად მოსჩანს ბეთლემის ვარსკვლავი. ალთქმის ქვეყნის ზღის მაჩვენებელი. ან, შეიძლება დღევანდელი ვითარება წუთიერი შესვენება იყოს იმ ნარკველით მოკულ გზაზე, რომელიც უდიდესი განახლების სამეფოში მიგვიყვანს. და ვაი იმათ კი ვინც ასეთი განახლების იმედი უკვე დაკარგეს!

ანაბატისტი.



პალთა ჰიდილუი

ჩვენი ქვეყნის სოციალისტის წინ კვლავ აღიმართა პოლიტიკური განსაცდელის მწუხარე აჩრდილი...

ას ოცი წლის მონა საქართველო ისევ წარსდგა თავისი საარსებო გამოცდის წინ... გზა მხოლოდ ორია...

მსოფლიო პოლიტიკის ცბიერი მოქანდრაკენი ერთხელ კიდევ გვაიძულებენ დავევათ საკითხი ყოფნა არ ყოფნის...

ლოიდ-ჯორჯი, მილიერანი, ნიტტი ერთის მხრით, ხოლო მეორეს მხრით ლენინ—ტროცკი და... აღმოსავლეთი თავისი ისტორიულის შურის ძიებით...

მაშასადამე მსოფლიო ასპარეზზე ორი უძლიერესი მპობრდაპირენი ლამობენ ხელთ იგდონ ძლიერება, გეგმონია და უმაღლესი ხელის უფლება ამ ქვეყნისა...

ჯერ ამ ძალთა ჰიდილში შესვამე ძალა არ არსებობს, და თუ არსებობს მეტად მკრთალი და უსახო!...

ჩვენი პატარა და მრავალ ტანჯული ქვეყანაც იძულებულია ამ ორ ერთი-მეორის დაუძინებელ მტრებს შუა ყოველთვის გააიწახოს საშვალეობა და გზა თავის მრავალ წაპებულ სიცოცხლის შესარჩენად...

ქართულ გმირთა საფლავებით იწყება ჩვენი უბედურების პირველი ლანდი, თავისუფლების უკანასკნელ მეომართა გადატეხილმა ხმალმა წარიღო თან საიდუმლო ქართველი სულის სიმშვიდისა და კეთილდღეობის...

ას ოცი წელი ვეძიებდით მას ჩვენ, როგორც ერთ, და მხოლოდ ორი წლის წინდელ გამოვლევად აპირებულ რუსეთის ზვირთებს...

მას შემდეგ ვაშუშებთ ეროვნულ ტანჯვისა და ტყვეობისაგან დაწყულულს სხეულს. მას შემდეგ ეძიებს ქართული ბიარალი სავანეს სიმტკიცისა და გარემომცველობის...

ამ მხრივ თითქმის ცოცხლდება ს-ხე ნატკენი ეროვნული გრძობიერობის და ამაშია ჩვენი სიძლიერეც...

ორი წელი, ეს ხომ რევოლუტია იყო ქართული შემოქმედებისა, საღმრთენებლო მუშაობის...

ჩვენ მხოლოდ ჩანასახი შევქმენით, მომავლის ვალია მისი ხორც-სახე...

და აი ამ დროს ჩვენს ცახე ისევ გროვდება შავი ღრუბელი და იძულებული ვართ ქართული მკლავები კვლავავანსანსა და მუზარადში გავხვიოთ...

აღმოსავლეთის გაიძვერა პოლიტიკამ არა ერთხელ დააყარა მიწა ქართულ სხეულს...

ჯერ—კიდევ ბათუმის ცეცხლი ხომ არ ჩამქრალა, რომ დავიწყებას მივცეთ, საუკეთესო მამულიშვილთა ძეგლები და საფლავები...

ჩვენმა გონიერმა წინ დახედულებამ მაშინ დაგვიხსნა უბედურებისაგან და ადერბეიჯანის მუხანათურ მახვილს თავი დავხაზვიეთ...

მუსავათის სახე მაშინ ისე შიშველი და ნიღაბ-ახილი გამოჩნდა...

გულში იგი ყოველთვის ინახავდა ვერაგ ცბიერებას...

და ე.შ.ს, როცა წიოელი რუსეთი სამეგობრო ხელს უწყდის ფხიზლზე შედებოლი ოსმალეთს, როცა უხუცესი ქვეყანა სპარსეთი ეშადაება შესახვედრად ბოლშევიკურ მხედრობის, როცა აზერბეიჯანის უეცარი „გაწითლება“ ელვარებს, ჩვენ სრულის შეგნებითა და წინ დახედულებით უნდა შევხედეთ ამ სოციალისტურ ნაციონალისტურ დაქორწინებას და ეს რაკლი ჩვენი ქვეყნის ირგვლივ შემოვლებული მოხერხებულის მოქნევით შუა გავკეთოთ...

ვერც ერთი პროლეტარული მუშათა კლასი ვერ დაგვაყვდრის იმას, რომ ჩვენ აქ უტაქტოდ მოვიტყვიეთ, ვერც ერთი შეგნებული მუშა, რომელსაც თავის თავზე განუცდია უბედურება თავის ქვეყნისა, ვერ გვეტყვის, რომ ჩვენ მახვილი ჩავავით და გულზე ხელკებ დაკრებილი შევხედეთ კარზე მომდგარ ჩვენს დამღუპულ ძალას...

ან ვინ გაბედავს ეს გვითხრას ჩვენი ჩვენ ხომ არავისთვის არ გვიოქვამს ეს?

რუსეთ—ოსმალეთ—სპარსეთ—აზერბეიჯანის სარტყელში ჩვენ უტყველი აბზინდი ვართ, რომლითაც აღმოსავლეთის წელი შეიკვრის და ამიტომაც რომ ასე ვაშუშავებით გვეკეთებთან ყოველი კუთხიდან...

ეს ერთი მხარეა ჩვენი უბედურების. არის მეორე მხარეც...

ანტანტა ეს დღევანდელი თითქოს ხელის უფალი მსოფლიოსი ყოველივე ამას კარგად გრძობს კარგად განიცდის და მაინც ჯერ-ჯერობით არავითარი ცნობა არა გვაქვს მის მიერ გადადგმული ნაბიჯების ამ აზღვავებულ ფანატისთვის შესაჩერებლად. თუ, რა თქმა უნდა სახეში არ მივიღებთ ჩვენი დამოუკიდებლობის „დეფაქტოდ“ ცნობას!

„დეფაქტოდ“ დ ცნობა როდი კმარა.

ლოიდ—გორჯის ქვეყანა უნდა გრძობდეს, რომ თუ შეუწეს ჩვენი კარები და საქართველო დაპირილი დაცვა, ინდოეთის კარიბჭეც გაიხსნება და დიდ ბრიტანეთი ახალ საფრთხეს აეკიდება. სწორედ ამის გამო ევროპის უდიდეს სახელმწიფოს დიპლომატია უფრო მეტის გამჭრიახობით უნდა ეკიდებოდეს ჩვენი დამოუკიდებლობის თავდაცვის საქმეს, ვინაიდან ინტერესთა თითქმის ერთნაირობა ერთი ერთს შორის დახმარებას მოითხოვს...

მაგრამ საქართველოს ჯერ ასეთი არ უნახავს გარდა დამოუკიდებლობის „დეფაქტოდ“ ცნობისა...

ამიტომაც თუ ერთი მხარე ძლიერად ფრთებს შლის და ჩვენი განადგურებას იწყობს, ჩვენ უნდა მეორეს ნათლად გადაუშალოთ და ყოველგვარი თავდება ჩვენის არსებობისათვის შევაძლებინოთ.

თუ არ ისურვებენ—მათი საქმეა, მხოლოდ ჩვენ კი ყოველივე საშვალეობა უნდა ამოვსწუროთ.

დღეს ხომ ნათელია რომ ანტანტის ძლიერების წინააღმდეგ მიმართულია აღმოსავლეთის ამოკანის საკითხი და ამ ორ ძალთა კიდილს სურს გადათელოს ჩვენი ქვეყნის ნორჩი სიცოცხლე...

მაგრამ ერთი რამ ცხადია, უპირველეს ყოვლისა, თით საქართველომ უნდა სთქვას თავისი ვაბედული მოფიქრებული და მიზან შეწონილი სიტყვა...

სიტყვა თავ დაცვის, და ამაში იქნება მისი სიძლიერეც. საქართველომ დღეს შეიძლება უკანასკნელად იშიშვლოს მახვილი წინააღმდეგ მტელთა და ორგულთა, მაგრამ შეიძლება პირველადე განადამოლ განამტკიცოს მისი ესოდენ ნაწამები თავისუფლება...

მხოლოდ ქართველს მახვილს, გონებასა და გამჭრიახ წინდახედულებას შეუძლიან უპირველეს ყოვლისა იცნოს თავი თვისი და აცნოს ქვეყანას...

მოხუცი ხელი ოსმალეთისა ჩვენ ერთხელ ვიგვეთ და თუ საქართველოს სურს სიცოცხლე და არსებობა მეორედ მოქნიულ მახვილს მამაპაპულ რაინდობით უნდა შეხედეს...

და ამიტომაც ვამბობთ: დღეს ყველა, ვისთვისაც ძვირფასია სამშობლოს კეთილდღეობა, იგი იარაღით ხელში უნდა გამოვიდეს და თავის საკუთარ ხელით და სიცოცხლით დაიცვას ჩვენი მრავალ ნაწამები ქვეყანა.

ამაშია ჩვენი გამარჯვება და ამავე მოითხოვს ახალგაზრდა საქართველოს ძვირფასი და საყვარელი სიცოცხლე. ს. კოლხიძელი.

კონფედერაცია თუ სოვერენული სახელმწიფო ამიერ-კავკასიაში

პოლიტიკური ცხოვრება ამიერ-კავკასიის ერებისა მუდმივ მოძრაობაში იმყოფება; ერთი პოლიტიკური ფორმა ამ მეორეს სცვლის; ორგანიზაციულად უკვე ჩამოყალიბებულ ერთეულების გვერდით ვხვდებითან საშუალო ფორმები, ჯერ კიდევ ჩამოუყალიბებელი, რომელიც ან ჩანა-

სახია მომავალ პოლიტიკურ ერთეულს ან ნაშთია უკვე დრომოკმულ საზოგადოებისა. ყველა ეს კავკასიის პოლიტიკურ ცხოვრებას მეტად ჭრელს და მრავალფეროვან სახეს აძლევს.

ასეთ სიტუალს და დახლართულს პოლიტიკურ ცხოვრებაში შეიძლება აღენიშნოთ ნორმალურ განვითარების ერთი ძირითადი პრინციპი—თანდათანობრივი განვითარება პოლიტიკურ სუვერენიტეტისა და მის განხორციელების საშუალებათა დიფერენციაკიასა. ამ მიზართულად მიყარდება ერთი შორის მუდმივი იურიდიული დამოკიდებულებანი პირველად ჩამოყალიბებულ კონფედერალიზმის და შემდეგ ორგანიზაციულ კონფედერალიზმის სახით. კონფედერალიზმის მიზანია სრულებით დანაწილებულ ერთეულების გაერთიანება. იგი გამაერთიანებელ როლს თამაშობს იქ, სადაც აქნობამდის მტკიცე ორგანიზაციულ ერთობის მაგიერ პოლიტიკური ამორფია სუფევდა. ამ მხრივ პოლიტიკური კონფედერალიზმი საუკეთესო ფორმაა ანარქიულ მდგომარეობის მოსასპობად. მაგრამ კონფედერაცია თუ ერთ სუვერენულ ძალის მიერ არ არის შემუშავებული, მერყევ პოლიტიკურ გაერთიანებას წარმოადგენს, რასაც შედეგად მუდმივი კონფლიქტები მოსდევს. ეს კი გამოიწვევს იმას, რომ კონფედერალური გაერთიანება დაუბრუნდება ისევ ძველს აპორფულ მდგომარეობას, ან და შემდეგ პოლიტიკურ სტალინში გადავა—გადაიქცევა ფედერალურ ან დეცენტრალისტურ უნიტარულ სახელმწიფოდ.

აღსანიშნავია ამის გარდა კიდევ ერთი რამ. რადგან კონფედერაცია მხოლოდ მთავრობათა კავშირია, ამიტომ მას არ აქვს თავის პოლიტიკის აუცილებლობის და ქვეშევრდების გარანტია. სხვა და სხვა კონფედერაციების ისტორიული გამოცდილება ამტკიცებს, რომ საზოგადო კონფედერალური პოლიტიკის წარმოების დროს, ან საზოგადო მოკავშირეთა კანონების ასრულების დროს, ან საერთო თანხის შექმნისთვის, კონფედერალურად შეკავშირებულ სახელმწიფოთა თავისუფალ სურვსზე დამყარება ძლიერ ძნელია. ცენტრალურ კონფედერალურ მმართველობის განკარგულებანი სავალდებულოა მხოლოდ ცალ-ცალკე სახელმწიფოთა მთავრობათათვის და მათ მიერვე სრულდება თავიანთივე მოხელეთა საშუალებით. მაგრამ ეს განკარგულებანი თუ ადგილობრივ საზოგადოებრივ აზრთაგან მოწონებულ არ იქნა, აუსრულებელი რჩება. ცენტრალური კონფედერალური მმართველობა, თუ ემყარება სუვერენულ კავშირების მხოლოდ თავისუფალ შეთანხმებას, ყოველსაც უნდა დაუტოვოს და უღონოა. აქედან ცხადია, რომ კონფედერალური ცენტრალური მმართველობა განსაკუთრებული, ყველა მოკავშირეთაგან დამოუკიდებელ ძალით უნდა იყოს აღჭურვილი.

კაცობრიობის ისტორიულ ცხოვრების მიმდინარეობა იმ ხანაში გადადის, როდესაც ერებს შორის კავშირების და შეთანხმებათა საკითხი მორიგ დღიურ საკითხად გადაქცეულა. ევროპის დღევანდელ აბოზოქრებული ცხოვრება, იქ მცხოვრებელ ერთა პოლიტიკურ კავშირებით და კონფედერალურ შეთანხმებებით უნდა დამთავრდეს. პოლიტიკურ ცხოვრების ასეთი ფორმა უფრო საჭიროა ამიერ-კავკასიის ერებისთვის. კავკასიის პატარა ტერიტორიაზედ მრავალი ერი სცხოვრობს და თითქმის ყველა მათგანი დღეს პოლიტიკურ ფორმების ძიებაშია. უმრავლესობა მათგანი თითქმის საწადელს მიუახლოვდა. სასურველი პოლიტიკური ფორმა მათთვის იპოვეს, რო-

დესაც დამოუკიდებლობის ნიადაგზედ დადგნენ. მაგრამ მრავალჯერ ინტერესთა ერთიანობამ კავკასიის ერები იმ შეგნებაზედ მიიყვანა, რომ ერთი ერთმანეთიდან სრულიად დამოუკიდებელნი ვერ იქნებოდნენ. მრავალი ისეთი რამ საერთო აღმოჩნდა პოლიტიკურს თუ ეკონომიკურ სფეროში, რომ სახელმწიფოთა განკერძოებით ყოფნა მიზან-შეუწონელი გამოდგა. აქ ბუნებრივად მათი პოლიტიკური შეკავშირების იდეა უნდა ჩასახულიყო. და მართლაც ამ სახელმწიფოებმა მალე ერთმანეთ შორის კონფედერატიულ შეკავშირებაზედ დაიწყეს ლაპარაკი. ერების ურთიერთშორის დამოკიდებულობაში კონფედერაცია პოლიტიკურ ცხოვრების საუკეთესო ფორმაა. ამ მოსაზრებით ამიერ-კავკასიის სახელმწიფოებმა პოლიტიკურ საჭიროებას თითქმის სწორედ ალღო აუღეს. მაგრამ კონფედერაცია, როგორც ზემოთ აღვნიშნეთ. საშინო ფორმაა, თუ მკვიდრი ნიადაგზე არ არის აშენებული. იგი პოლიტიკურ ამორფიის სახეს მიიღებს, თუ ეს კავშირი ერთა განვითარების ბუნებრივი შედეგი კი არ არის—ხელოვნურად, თეორიულად შეკაოწმებული სახეა. კონფედერაცია სრულებით უნდა დაგაზა იმ ერებს შორის, რომლებიც ფსიქოლოგიურად მოპირდაპირე ბუნებისანი არიან სწორედ ამ უკანასკნელ გარემოებებს დიდი ადგილი აქვთ ამიერ-კავკასიის შურთა ცხოვრებაში, რაც კონფედერაციას შეუძლებლად ხდის.

რით განსხვავდებიან ამიერ-კავკასიის ერები ერთმანეთისგან, და რათ არის შეუძლებელი მათ შორის წმინდა კონფედერაცია?

კონფედერაციის მთავარი მოთხოვნილებაა, რომ ყოველი მოკავშირე სახელმწიფო ჯერ თვით მტკიცედ იდგეს დამოუკიდებლობის ნიადაგზედ. თუ მათში ეს შეგნება სუსტია, მათი კონფედერაცია მხოლოდ გარეგნული და მტკიცე უნაიდავია. ამიერ-კავკასიის სახელმწიფოთა ყველა არ დგა და არც შეუძლიან იდგნენ დამოუკიდებლობის ნიადაგზედ. დამოუკიდებლობის ნიადაგზედ შეუძლია იმ ერს იდგეს, რომელსაც სახელმწიფოს იდეა აქვს. ეს იდეა კი თეორიულათ არ იქნება. იგი მემკვიდრეობის შედეგია. როცა ერს დროის განმავლობაში საკუთარი პოლიტიკური სახელმწიფო აქვს, სახელმწიფოს იდეაც მისთვის ინსტიტუტური სახისაა, ეს მისი ბუნებრივი მოთხოვნილებაა, ურომლისოდაც მას არსებობაც ვერ წარმოუდგენია. მაგრამ თუ ერს ისტორიულ მსგელოებაში სახელმწიფო ან სულ არ ჰქონია ან დიდი ხანია მოსპობია, მისთვის დამოუკიდებლობის იდეას მხოლოდ თეორიული სილამაზე აქვს. პრაქტიკულად მისთვის დამოუკიდებლობას ღირებულება არა აქვს და ამიტომაც ძალის წინაშე დიდხანს არ დიკავს მას. ასეთია აზერბეიჯანის მდგომარეობა. იგი დროთა მიმდინარეობაში სპარსეთის და სხვა სახელმწიფოთა პროვინცია იყო. მთლიან ერთეულად იგი არასოდეს არ ყოფილა. მისი რამოდენიმე სახანო ყოველთვის სხვადასხვა სახელმწიფოს მონაზრვე ვასალად იყო. ხშირად საქართველოს ემორჩილებოდა, ხანაც ინდიდა და სამაგიეროდ მფარველობას ღებულობდა. ასეთ პირობებში აზერბეიჯანის ერში დამოუკიდებელ სახელმწიფოს შექმნას ადვილი არ იქნებოდა, ცხადია მათი დამოუკიდებლობა მხოლოდ მეოცნებე ინტელიგენციის სურვილი იქნება. ხილბი—მასსა კი მუდამ სუვერენის ძენაში იქნება და მხოლოდ სხვის ფრთების ქვეშ მოისვენებს.

აზერბეიჯანის მდგომარეობას წააგავს სომხეთის მდგომარეობაც. სომხის ერი ისტორიამ განსაკუთრებულ პირობებში ჩააგდო. შეიძლება ამ ერის მრავალჯერ ჰქონდა სურვილი სხელმწიფოს შექმნისა, მაგრამ პრაქტიკულად ეს არ ხერხდებოდა. სომეხთა მოსახლეობის ტერიტორია იმთავითვე სხვადასხვა სახელმწიფოთა საომარ არენად იყო გადაქცეული. ამ ძალთა ჭიდილის შორის სომხეთი ხანდახან ახერხებდა დამოუკიდებელ სახელმწიფოს შექმნას. უმეტეს შემთხვევაში კი სომხეთი სხვის მოხარკე ქვეყნად ყოფილა. 4—5 საუკუნიდან ქრ. შ. სომხეთი, როგორც სახელმწიფო, აღარ არსებობს. მისი ნაწილები სხვადასხვა სახელმწიფოს საზღვრებში მოექცა და იმდენად დამორდა ერთმანეთს, რომ დღეს მათ შეერთებას მთივან სულიერი წინააღმდეგობა და ინტერესთა სხვადასხვაობა უშლის. სომხის ერს მხოლოდ რელიგიური მთლიანება შერჩა, დანარჩენ შემთხვევაში იმდენად განსხვავდებოდა ერთმანეთისგან, რომ სავადად მზარეს მაცხოვრებელი სომხები სხვადასხვა ნაციას წარმოადგენენ. მათი შეერთება მხოლოდ თეორიაში შეიძლება. აქი ამიტომაც მთლიან სომხეთის შექმნაც ლაბახ ილაშქრება გადაქცეულია და უფრო ოცნების სავანია, ვიდრე სინამდვილისა. სომხეთისთვის დამოუკიდებლობის იდეაზედ დგომა, ეს პოლიტიკური ტანჯვაა. რომ გარეშე შექმნილი პირობები არ იძულებდნენ, სომხებისთვის დამოუკიდებლობას არსებითი მნიშვნელობა არა აქვს. სხვა სახელმწიფოს მათზედ მანდატი ეს ის შესაძლებლობაა, რომლის იქითაც სომხეთს აღარ უნდა წასვლა.

სულ მოწინააღმდეგე მდგომარეობაშია საქართველო. საქართველო, როგორც დამოუკიდებელი სახელმწიფო მხოლოდ მე-19 ე საუკუნიდან აღარ არსებობს. ამ ერთი საუკუნეში ქართული პოლიტიკური აზროვნება დამოუკიდებელ სახელმწიფოს მოსაზრებას ვერ შეუძრივდა. პირველ ხანებში იგი დამოუკიდებლობის აღდგენის ნიადაგზედაც კი იდგა. საქართველოს სხვადასხვა კუთხის ამბოხებები, საიდუმლო შეთქმულობანი რუსეთის მმართველობის წინააღმდეგ, ქართველი ერის სულისკვეთების გამოხატულება. თანდათან სეპარატიზმის იდეია საქართველოში სუსტდებოდა და თითქმის დამოუკიდებელ სახელმწიფოს აღდგენის იდეია უფრო ვიწრო წრის სფეროდ რჩებოდა, მაგრამ ნაციონალური განკერძოების სურვილი ქართველების ყველა ჯგუფშიც აყვლა მიმართულებაში ყოფილა. ქართველი ერის ცხოვრება გარეშე ნაციონალური თავისუფლებისა ვერავის ვერ წარმოუდგენია. ქართულ სახელმწიფოებრივ ნიადაგზედ დგომა და დამოუკიდებლობის იდეის ქონა ეს საქართველოს ყოველ პოლიტიკურ ჯგუფისთვის შესაძლებელი იყო და ამიტომაც როცა ქართველი ერის ისტორია: ამ აუცილებლობის წინაშე დააყენა იგი, როგორც ერთი დამამიანი დამოუკიდებლობას ნიადაგზედ მტკიცეთ დგომა. ქართველ ხალხში გ. ილიძე მე-18-ე საუკუნეში მიძინებულმა პოლიტიკურ სახელმწიფოს სულმა და დღეს ყოველი ქართველი ისე დაიცავს თავის სახელმწიფოს, როგორც იგი იცავდა ასპანძის თუ კრწანისს ველზეზედ. დამოუკიდებლობის იდეია ეს ქართველ ერის პოტენციალი მუდმივ ყოფილა და რადგან იგი რეალბაში გადავიდა ველარაიითარი ძალა მას ველარ მოსპობს. მე-19-ე საუკუნის მდგომარეობაში საქართველო ბევრჯერ ყოფილა: რომაელების ბატონობა, არაბების ბატონობა, მონღოლების და რუსების ბატონობა გამოუცლია, მაგრამ ესენი გამჭრალან, წასულან და საქართველო ისევ სახელმწიფოდ აღდგენილა და დარჩენილა.

ზემოთაქვამიდან ცხადია, რომ ამიერ-კავკასიაში დამოუკიდებლობის ნიადაგზე მხოლოდ საქართველო სდგას. პოლიტიკურ სახელმწიფოს შექმნა მხოლოდ მას შეუძლიან. ჩემკვიდრეობას პოლიტიკურ ცხოვრებაშიც დიდი მნი-

შენელობა აქვს. ასეთი მემკვიდრეობა კი ისტორიის მხოლოდ ქართველობისთვის გადმოუცია. ამრიგად სახელმწიფოს შექმნის უნარი მხოლოდ ქართველ ერში უნდა ვეძიოთ.

მთლილი ომს, სხვათა შორის, ერთი აუცილებელი შედეგი მოჰყვა: რუსეთში სამოქალაქო ომი, რომელიც დიდხანს გასტანდა და შემუსრავს მას, ვიდრე რუსის ერი ნაციონალურს შეგნებას მიიღებს და ყველასათვის მოულოდნელ პოლიტიკურ პირობებს შექმნის: სამოქალაქო ომის გამო კი ამიერ-კავკასია სამუდამოთ რუსეთს ჩამოვარდა და საკუთარი გზით იწყო სიარული. ეს არის გარემოებათა მიერ ნაკარანხები აუცილებელი გზა. როგორ მდგომარეობაში ჩაგარდება ამ პირობებში ამიერ-კავკასია? როგორც ზევით დავინახეთ, აქ ცალ-ცალკე სახელმწიფოებს შექმნა არ ხერხდებოდა, ჯერ აზერბეიჯანმა და სომხეთმა პოლიტიკური აღზრდა უნდა მიიღონ, რომ სახელმწიფო შექმნან. თუ სახელმწიფოები არ იქნებიან, მანასადამე არც მათ შორის კონფედერაცია შეიძლება. ისე რომ ამიერ-კავკასიის კონფედერაციაზედ ლაპარაკი ჯერ ნაადრევია. ამიერ-კავკასიაში მხოლოდ ერთადერთი პოლიტიკური ფორმა შესაძლებელია. აქ სუვერენული უფლებით უნდა აღიქურფოს ის ერი, რომლისთვისაც სახელმწიფოს იღა თანდაყოლილია. ასეთია ამიერ-კავკასიაში ქართველი ერი, რომელიც უნდა იყოს სუვერენი ამიერ-კავკასიისა. ეს ფორმა ამიერკავკასიისთვის არც თუ ახალი იქნება. ჯერ ისეი მე-18-ე საუკუნეში განჯის სახანო და ერევნის სამთავრო საქართველოს მოხარკე პროვინციებად ითვლებოდნენ. მაგრამ ამ ფორმას მე-18 ე საუკუნეში თუ იმპერიალისტური ხასიათი ჰქონდა ესლა მას წმიდა კულტურულ-პოლიტიკური ხასიათი ექნება. პოლიტიკურის მზოიე ამიერ-კავკასიის სტრატეგია მოითხოვს ერთი ძალა მოქმედობდის შავი ზღვის და კასპიის შორის მდებარე ტერიტორიაზედ. აქ ცალკე ერების ცალ-ცალკე გამოცვლა ვერ შექმნის მშვიდობიანს და უშიშარ პირობებს შემოსეულ მტრის წინააღმდეგ. კულტურულის მზრიე ამიერ-კავკასიის ერების შეთანხმებით მუშაობა მალე ვადააქტევეს ამ კუთხის კულტურულ ჰეგემად. საქართველოს სახელმწიფოს სახლარემოთი კულტურულ ავტონომიით აღჭურვილი აზერბეიჯანი და სომხეთი მალაკულტურის მქონე ერად გადაიქციეან. ყველაზე დიდი მნიშვნელობა კი საქართველოს მფარველობას ჰქვე ამიერ-კავკასიის ერთა შეერთებას, მშრომელ მასისთვის ექნება. გაერთიანებულის ძალით სამივე ერის პროლეტარიატი უფრო ნაყოფიერად იბრძოლებს იმ სოციალური გარდამქმნისათვის, რომელიც შედეგია ეკონომიურ განვითარებისა

მის მიხედვით ამიერ-კავკასიაში დაბადებულმა კონფედერაციის აზრმა ადგილი უნდა დაუთმოს უკვე ფედერალურ სახელმწიფოს აზრს. ფედერალურ სახელმწიფოში ცალ-ცალკე შტატებს მიეცემათ ყველა ის, რაც ავტონომიას საჭიროებს და რაც შეიძლება თვითმართველობას მიენიჭოს თავის ბუნებით. დანარჩენი ძალა უფლება კი უნდა მიენიჭოს ჰარმონიულად შემართებულ სუვერენულ ძალას. ასეთ სუვერენად ამიერ-კავკასიაში საქართველო შეიქმნება და მის ფარგლებში ყველა ერებს ავტონომიურ შტატების სახით სრული განვითარება მიეცემათ. ამ პირობებში უზრუნველყოფილი იქნება ამიერკავკასიის ერთა პოლიტიკური და კულტურული წინსვლა*)

თედო ბეგიაშვილი.

*) რედაქცია ავტორის მოსახრებათ არ იზიარებს რედაქცია.

გაუგებრობა, თუ დაგაგომია

(პასუხად პ. ნ. კანკავას)

Онъ Бармотеу молитву вомра-
къ hochи-жанихиду о прошлыхъ
годахъ

ლ. ნ. ლერმონტოვი

მომენტურ მართლაც მძიმე და პასუხსაგებია. საზოგადოებრივ აზროვნებას ჯერ მსგავსი რამ არ განუცდია. ხდება ერთგვარი ვადაფასება მართლმადიდებლის შესანიშნავი მოვლენების. საკაცობრიო შემოქმედების წიაღში ჯერ მხოლოდ პოლიტიკურ მხვერავთა ძიების სინონიმები მოსჩანან...

მსოფლიო რევოლუციონურ დატაკების აჩქარებულ ბეგრას გრძნობს. აბჯარ-მუხარადში ჩაქედლია ორი უდიდესი გოლიათი ჩვენი ცხოვრების — ბურჟუაზია და პროლეტარიატი...

ისხელი ნაოროტლებ კაცობრიობას კი ისე ენატრებოდა მშვიდად და ტკბილად განსასვენნი. გარნა უდიდეს იმეზში ვაჩქარდა შურის-ძიების შვაინიანი ინსტიქტი და პროლეტარიატის დამიწებულ ძვლებზე განიკვეთა ხიდი კლასურ ურთიერთობის განუყრელია...

ჩვენი ლაღადისი თითქმის სრულდება. რევოლუციების მსოფლიო ოაზისი იმედნეულებს, რომ უყვიის მუშათა კლასს, გულიდან ფიქრს არ გვაშორებს და ამიტომაც თვალს არ ვაშორებთ რევოლუციის ამჟამ სტიქიონს...

რა უყუთა, თუ მრავალნი საყვედურებით არ გვასვენებენ და ჩვენი ძიების გზებს თითქმის სტკენიან.

ერთი რამ მაინც ცხადია, ჩვენი პოლიტიკური სომოსელი ვაგინხადეთ და სადაც მუშათა კლასის ინტერესები — არ იქნება დაცული ჩვენი ვერც ერთი ამხანაგი იქ ვერ შევა.

როგორც სინდიკალიზტებს ამის სითამამე უეჭველად გვაქვს! ჩვენი ღლამი ევროპის პროლეტარიატმა კვამლიან ქარხნებში აღმართა და რომი. პარიზი და ლონდონი არა ერთხელ შედრეკილან იმისი სიწილით...

დღევანდელი იმპერიალიზმის ხმალის ჩაგებაც; ვფიქრებთ რევოლუციონურ სინდიკალიზმის ფაფარ დაუდრეკელ ბრძოლით ხდება და ამაშია ჩვენი სიძლიერეც...

დღემიწის ვერც ერთი კუთხე ვერ ვაამქლანებთ იმას, რომ თითქმის სინდიკალიზტურ დროშის ქვეშ სადმე ან თუნდაც რომელიმე ქარხანაში ჩვენ ვასაზრდოვებდეთ შეუგებელს, ტლანქსა და უხეშ ბრძოს, პირ-იქით სინდიკალიზმი მხოლოდ პროლეტარული მალაილი შეგნების უდიდესი სიმბოლოა და ჩვენ გვევინია „ურწუმრო თომები“ ან გულუბრყვილოდ სცდებიან ან რაიმე მიზეზით თავს იტყუებენ...

ევროპის მუშათა კლასი, რომლის უდიდესი ნაწილი სინდიკალიზმის მრწამსს ეხიარა, — ვფიქრობთ ჩვენში იმ აღმთიანების ვაკირიკების მიღლა სდგას, რომელთაც მიზნად დაუსახავთ წვრილფეხა დემოკრატობა. ცხადია, ბ. ლ. კანკავა ნათლად იცნობს ცნობილ პუბლიცისტის, ნ. ჟორდანაის „ჩრეულ ნაწერებს“... ბ. ნოე ამაში პირველ მოწმედ ჰყავთ ქართველ რევოლ. სინდიკალიზტებს!

მაშ რაშია სიქმე?

იმხუც გონებით ბ. კანკავა რად ვადასძახის ახალ-გაზრდობას: „Ахъ дѣти, дѣти, какъ опасны ваши лѣта“ ო. თუ ბ. კანკავას ბოლშევიზმის სურს დასცლოს რევოლ. სინდიკალიზმის კრულების და წყევლის სადღეგრძელო, ნებას მივცემილი ჩვენს თავს მისთვის უმდამლესად მოგვესხენებინა:

ვინც რომ ყანა უკულომართად აკეთოს, და თესოს, ფარცხოს, ჩვენ იმ ჰადას ნულარ გვაქმევს.

რაც რომ იმით გამოაცხოს!..

ცხადია ყველა იგი, ვინც მუშათა კლასის სწორსა და უტყუარ გზას პოლიტიკურის ხელის უფლებით დასცოდდა, მათსა და ჩვენს შორის განუფალი და მიუდგომელი უფრსკულია. ჩვენი გზა წმინდა პროფესიონალურია, პო-

ლიტიკური პარტიების წმინდა სახელმწიფოებრივი... მაშასადამე აშკარა და ნათელი უნდა იყოს სიცხადე ჩვენი გეზისა და მიმართულების...

ჩვენი პროგნოზის ვერც ერთი დებულება; ვერც ერთი რევიზორი კანკავა ვერ იპოვის ძალა-უფლებისათვის ბრძოლის ვერც ერთ მუხლს.

ჩვენი შემოქმედება უმთავრესად მუშათა კლასის შეგნებას, განათლებასა და გუნებრიობას ეყარება და მხოლოდ სათანადოდ მომზადებულ მუშებით ვესურს შებრძოლება ბურჟუაზიასთან — ანუ მარქსის არ იყო: ექსპროპრიატორთა ექსპროპრიაცია.

გარეშე მუშათა კლასის განვითარებისა, მომზადებისა და სათანადო ცოდნისა და გამოცდილების ჩვენი კავშირი ამასოდეს მიზნად არ ისახავდა რაიმე აქტიურ ნაბიჯის გადადგმას და განსაკუთრებით ბუნტარულს. კანკავა ბრძანებს, რომ სოციალ. დემოკრატის სიძულვილი მისის დაცემითა და დაქვეით თითქმის ვინაგრდელი ჩვენ. ჩვენი ვამოსვლა არასოდეს არ ყოფილა მიმართული, უნდა გულწრფელად ვაღიაროთ, წინააღმდეგ იმ სოციალისტებისა, რომელთაც მიზნად დაუსახავთ სამსახური და ერთგულება მუშათა კლასისთვის და ჩვენი მეგობრული განწყობილება თუნდაც თქვენს მიმდევრობთან თავდებთა ამ ერთგულებას. გარეშე ამის ერთი რამე სურს ბრძანოს ბ. უფროს ბ. კანკავას: ეს არის ჩვენი ერისა და ქვეყნის წინაშე ჩვენი თითქმის გულგრილი და არა სათანადო ქედ-დრეკილება და სამსახური. მაგრამ იგი ვინც იცნობს ჩვენი ქვეყნის გარეშესა და შინაურ ფრონტებს, უნდა უეჭველად ჩვენს ამხანაგებულ იცნობდეს. ბ. კანკავას ეს მომენტე სხვა არა იყოს რა, დაცინვაა მიანც არა თუ მარტო საკუთარი პერსონის, არამედ იმ პარტიისაც კი, რომელმაც მხოლოდ ორი წელია თავის პარტიულ დროშას სიტყვა „საქართველო“ დააწერა...

და ამ ხნის განმავლობაში ჩვენ ყოველთვის ზვარაკად მიუქვინდა სიცოცხლე, სიყვარული და ერთგულება საყვარელსა და მრავალ ნაწამებ მამულისა და ერის სამსხვერპლოზე. და იგი ვინც ბედავს ჩვენ ეს გვიოხრას, ვფიქრობთ, ცოტა არ იყოს ისტორიის ფურცლებს დაიწყებას აძლებს.

დასასრულ ტენიკურ კომისიის შესახებ უნდა ერთხელ და სამუდამოდ ვანახანდეთ, ჩვენი თანამშრომელის „ერთი ვინმეს“ წერილის შესახებ: ზოგიერთი უქმაცოფილება ჩვენ იქვე ვსთქვით, მაგრამ რაკი ასე ფართედ, ასე ვრცლად კეთილ ინებეთ მისი გამოტანა, ჩვენი კვლავ ვაცხადებთ: „ერთი ვინმეს“ წერილი რედაქციამ მივან დამოუკიდებელ მიზეზთა გამო შეუმოწმებლად გაუშვა, მაგრამ კეთილი ხელმძღვანელი ასე როდი ვააშუქებდა საქმეს და ჩვენს საერთო ოჯახში ამდენ უქმაცოფილებას არ შემოიტანდა. იგი მრავალჯერ — სხვა ვაზეთებდა ჩვეულდარბივი ენით უპასუხებთ. ჩვენი რედაქციაც ვიპასუხებდათ.

მაგრამ რაკი ბ. ლევან ასე ინებეთ, დღე აღსრულდეს ნება თქვენი „და საქმეებან თქვენმან გამოგაზინით თქვენ!!“

ჩვენ კი ერთხელ კიდევ ვაცხადებთ თქვენი ვადაღმის მდგომ გულწრფელ სოციალისტებისა და სოციალიზმის ერთგულ მეგობრების საყურადღებოთ, რომ რევოლ. სინდიკალიზმი არ არის გზა შემთხვევითი მეამბოხეთა. რომ რევოლ. სინდიკალიზმი არ არის განუყრებელი პროგრამა ვინმე ყმაწვილების, რომ სინდიკალიზმი არ ფიქრობს შემთხვევითი თავდასხმას, არამედ მისი შეგნებული წმინდა და მალალი დროშა მხოლოდ ინტერნაციონალურ მუშათა კლასს უყარია და იგი არც ერსა და ქვეყანას ამოხმებით და განადგურებთ არ ემუქრება.

მისი ცხოველყოფილობა ევროპის პროლეტარიატმა დიდი ხანია გულთან ახლოს მიიღო და შეითვისა.

ამას ამტკიცებს ნ. ჟორდანია, ამასვე ამბობს არჩილ ჯორჯაძე.

საქ. რევ. სინდ. რკინის გზის ფრაქცია.

რედაქტორ-გამომცემელი — სარედაქციო კოლეგია

59845
1919